



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՎԱՐՉԱԿԱՆ ԱԿՏ N 1512870
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

13 օգոստոսի 2021թ.

Ք. Երևան
(կազմման վայրը)

Ակտի հասցեագրեր

Ֆիզիկական անձ Գագիկ Սերժիկի Ավետիսյան

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

(Անձնագիր՝ AS0378368, Գեղարքունիքի մարզ, ք. Սևան, Նաիրյան 3/50)

Խախտման նկարագրությունը

ՀՀ քննչական կոմիտեի Գեղարքունիքի մարզային քննչական վարչության Սևանի քննչական բաժնի 12.05.2021թ-ի թիվ 50/50/26193-2021 գրության և ՀՀ ՊԵԿ ՀՕՀ վարչության պետի 19.05.2020թ-ի թիվ 1512870 որոշման համաձայն իրականացված օպերատիվ-հետախուզական միջոցառումների շրջանակներում պարզվել է, որ Գեղարքունիքի մարզի, ք. Սևան, Նաիրյան 3/50 հասցեի բնակիչ, ՀՀ քննչական կոմիտեի Գեղարքունիքի մարզային քննչական վարչության Սևանի քննչական բաժնում քննվող թիվ 50166919 քրեական գործով վկա Գագիկ Ավետիսյանը, վարույթն իրականացնող մարմնի կողմից նախազգուշացված լինելով ակնհայտ սուտ մատնություն կատարելու համար ՀՀ քրեական օրենսգրքի 333-րդ հոդվածով նախատեսված քրեական պատասխանատվության մասին, 08.11.2019 թվականին տրված ցուցմունքով հայտնել է, որ 2016թ-ի գարնանից մինչև 2019թ-ի նոյեմբերի 1-ն ընկած ժամանակահատվածում Սևանի թերակղզու բարձրացող ավտոճանապարհի ծախ կողմում տեղադրել է սեղան-տաղավար և առանց համապատասխան պետական գրանցման և հարկային մարմնում հաշվառման իրականացրել է տարբեր տեսակի հուշանվերների մանրածախ վաճառք: Նշված գործունեությամբ զբաղվել է տարվա ոչ բոլոր ամիսներին, մասանավորապես՝ հունիս ամսից մինչև օգոստոս ամիսը, ամսեկան ստացել է 38.000 ՀՀ դրամ եկամուտ:

Այսպիսով՝ Գագիկ Ավետիսյանի կողմից իրականացված գործունեության ընթացքում ձեռնարկատիրական եկամուտը կազմել է՝ ընդհանուր 456 000 ՀՀ դրամ (2016թ-ին 38 000 x 3 = 114 000 ՀՀ դրամ, 2017թ-ին 38 000 x 3 = 114 000 ՀՀ դրամ, 2018թ-ին 38 000 x 3 = 114 000 ՀՀ դրամ, 2019թ-ին 38 000 x 3 = 114 000 ՀՀ դրամ):

Թիվ 1512870 արձանագրությամբ 15.07.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 30.07.2021թ-ին նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

ՀՀ Հարկային օրենսգրքի 447-րդ հոդվածի 5-րդ մասի համաձայն Օրենսգիրքն ուժի մեջ մտնելուց հետո հայտնաբերված՝ մինչև Օրենսգիրքն ուժի մեջ մտնելը կատարված հարկային օրենսդրության խախտումների համար կիրառվում են մինչև Օրենսգիրքն ուժի մեջ մտնելը սահմանված պատասխանատվության միջոցները, բացառությամբ Օրենսգրքի 401-րդ հոդվածով սահմանված տույժերի, որոնք կիրառվում են սույն հոդվածի 6-րդ և 7-րդ մասերով սահմանված կարգով:

Սույն վարույթում առկա ապացույցների համաձայն ֆիզիկական անձ Գագիկ Ավետիսյանի կողմից առանց պետական գրանցման և հարկային մարմնում հաշվառման ձեռնարկատիրական գործունեությունն իրականացվել է 2016թ-ի գարնանից մինչև 2019թ-ի նոյեմբերի 1-ը, հետևաբար հարկ է նշել, որ մինչև 01.01.2018թ-ին իրականացված գործունեության մասով վերջինս ենթակա է պատասխանատվության՝ համաձայն «Հարկերի մասին» ՀՀ օրենքի 26-րդ հոդվածի 1-ին մասով, ըստ որի, օրենքով սահմանված կարգով պետական գրանցում չունեցող (չհաշվառված) կամ հարկային մարմիններում չհաշվառված անձանց կողմից ձեռնարկատիրական գործունեությամբ (ապօրինի գործունեություն) զբաղվելու դեպքում գանձվում է տուգանք՝ այդ գործունեության արդյունքում հարկային օրենսդրությամբ սահմանված կարգով հաշվարկված իրացման շրջանառության (համախառն եկամտի) 50 տոկոսի չափով, բայց ոչ պակաս երկու հարյուր հազար դրամից:

01.01.2018թ-ից հետո ընկած ժամանակահատվածում իրականացված գործունեության մասով ենթակա է պատասխանատվության՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից: Միևնույն ժամանակ նկատի ունենալով, որ վերը նշված դրույթներով սահմանված է տուգանքի չափի հաշվարկման նույն եղանակը, վարույթ իրականացնող մարմինը անհրաժեշտ չի համարում կատարել տուգանքի չափի առանձնացված (ըստ տարիների) հաշվարկ:

Տվյալ դեպքում Գագիկ Ավետիսյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացած ձեռնարկատիրական եկամուտը կազմում է 456 000 ՀՀ դրամ, որի 50%-ը կազմում է 228 000 ՀՀ դրամ, ուստի օրենսդրական պահանջից ելնելով Գագիկ Ավետիսյանի նկատմամբ կիրառելի է 228 000 ՀՀ դրամ տուգանք:

Ելնելով վերոգրյալից և ղեկավարվելով «Հարկերի մասին» ՀՀ օրենքի 29-րդ հոդվածի 2-րդ պարբերության և ՀՀ հարկային օրենսգրքի 428-րդ հոդվածի 1-ին մասով.

Որոշեցի

1. Հաշվարկել և Գագիկ Ավետիսյանին գանձման առաջադրել 228 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք ընդամենը, որից՝	228 000	պետական բյուջե	900008000490

1. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակով:

ՀՀ ՊԵՏԱԿԱՆ ԲԱԴՆԱԿԱՆ ԲԱԴԱՄՅԱՆ

Վարչական ակտն ընդունող պաշտոնավար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

ընդամենը 3 էջ

Գաղիկ Ավետիսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաբասխանապատ անձ՝ հաղորդ առաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)